

Бекітемін

«Нұрби» Мектеп –

бөбөкжай бақша кешені

менгеруші



Бердімбетова Ж.С.

# Ертеңгілік

Тақырыбы: «Ақ мамам»

Шұғыла ерте жас топ

Тәрбиеші: Сатынбекова К.С

Мақсаты: Ана жайлы тамаша сөздер, өлеңдер, әндер арқылы аналарды мерекемен құттықтау, балаларды мейірімділікке тәрбиелеу, ұстазға ата-анаға деген құрмет сыйын арттыру, ана еңбегін қадірлей білуге үйрету.

Барысы: Зал көктем мерекесіне орай әдемі безендірілген. Көңілді әуен қосылып, ұл балалар жүгіріп кіреді. Ал қыздар соңынан келеді де әркім өз жұбымен орындарына жайғасады.

Жүргізуші: Біз ғана емес, қадір тұтқан бабалар.  
Аналардан туған небір даналар.  
Ана деген тіршіліктің тірегі,  
Армысыздар, қасиетті аналар!

Сәлеметсіздер ме құрметті қонақтар! Ата-аналар, әжелер, ұстаздар, бүгін көктемнің алғашқы мерекесі 8 Наурыз құтты болсын! Мерекелік ертеңгілігімізді тамашалауға қош келдіңіздер!

Сіздерден өскен балалар  
Батырлар мен даналар.  
Құттықтаймыз мейраммен,  
Құрметті абзал аналар, - дей келе балаларымыздың сіздерге арналған тақпақтарын тыңдайық.  
(Балалардың тақпағы)

Ән: «Мамамның мерекесі»  
(Әуенмен Көктем кіреді)

Көктем: Сәлеметсіңдер ме, балалар!  
Міне келдім табиғатты оятып,  
Күн күркірі нөсерімен тоя түп.  
Ағаштардың тамырына қан жүрді,  
Жапырағын жасыл түске боятып.  
Қандай әдемі болып құлпырып кеткенсіңдер!

Тәрбиеші: Сәлеметсізбе ару көктем! Біздің балалардың барлығы да әдемі, ал бүгін ерекше көңілді.

Көктем: Сендер қандай мерекені тойлап жатырсыңдар?

Балалар: Көктем мерекесін, аналарымыздың, аруларымыздың мерекесін тойлап жатырмыз.

Көктем: Балалар, қазір жылдың қай мезгілі?

Балалар: Көктем мезгілі.

Көктем: Көктем мезгілінде ауа-райы қандай болады?

Балалар: Жаңбыр жауады. Күн мен түн теңеседі. Күн ұзарып, түн қысқарады. Адамдар жылы киімін тастап, жеңіл кейіне бастайды.

Көктем: Көктем мезгілінде неше ай бар? Атауларын кім айтып береді?  
(наурыз, ақпан, мамыр)

Көктем: Көктем айында табиғат не істейді?

Балалар: Көктем айында табиғат оянады.

Көктем: Жарайсындар, балалар! Өте ақылды екенсіңдер.

Тәрбиеші: Біздің балалардың барлығы да әдемі, ал бүгін ерекше көңілді. Себебі олар аналарының мерекесіне өз өнерлерін сыйға тартпақшы.

Көктем: Иә мен де сендерді құттықтауға өзімнің әсем гүлдерімді жинап келдім. Қане менің гүлдерім мерекелік тартуымды қабыл алындар (гүлдерді таратып береді).

Би: «Гүлдер биі»  
(Әуенмен Қызыл телпек кіреді)

Қызыл телпек: Сәлеметсіңдер ме, балалар!

Жүргізуші: Сәлеметсің бе, Қызыл телпек! Мұнда қайдан жүрсің?

Қызыл телпек: Әжемнің жағдайын сұрап, құттықтауға бара жатырмын. Осы жерден өтіп бара жатып, әуеннің дауысын естіп келдім.

Жүргізуші: Балалар, Қызыл телпек өтіп бара жатып, әуеннің дауысын естіп келген екен. Ендеше Қызыл телпекке ән айтып берейік.

Ән: «ағылшынша»

Көктем: Балалар , сендер қандай өнерлісіңдер! Ана туралы тақпақ та, ән де біледі екенсіңдер Мен сендерге ризамын, мерекені жалғастыра беріңдер , мен қайтайын басқа да күтіп отырған сендер сияқты балалар бар. Сау болыңыздар!  
(Әуенмен Көктем кетеді, Қасқыр келеді)

Қасқыр: Мен Қызыл телпекті іздеп жүрмін. Иісінен сезіп тұрмын, ол осында. Әлде келіп кетті ме екен? Мен оны ұстап алуым керек. Қайда? Қайда?

Қызыл телпек: Құтқарындар мені!

Би: «Жәндіктер»

(Қасқыр таңданып басын шайқайды, оқыс отырып, тұрады. Андып жүріп би бітісімен Қызыл телпектің қасына жетіп келеді)

Қасқыр: А, міне , өзіңе жеттім бе? Менің қарным ашып тұр, мен сені жеймін!

Қызыл телпек: Қасқыр! Қасқыр! Үлкен мереке өтіп жатыр. Балалардың өнерін тамашалайық! Олар аналарына арнап ән, тақпақ айтады. Мен де әжемді құттықтауым керек. Тамашаға қатысып, ойын ойнайық.

Қасқыр: Егер балалардың өнері маған ұнаса, мен саған тимеймін!

Тәрбиеші: Қане балалар, олай болса ойын ойнайық!

Ойын: «Қыздарға гүл сыйлаймыз мерекеде»

Шарты: Оң жақ қатар мен сол жақ қатардан 1 қыз 1 баладан яғни жұп-жұппен шығады да, жәй әуен қосылып, соған вальс билейді. Музыка тоқтап қалған кезде, жүгіріп ортадағы гүлді кім бірінші алса, сол бала өзінің жұбына сыйлайды. Ойын 3,4 рет қайталанатын.

Тәрбиеші: Балалар, қасқырға өзіміздің өнерімізді көрсетейік

Ән: «Топ-топ, балақан»

Қасқыр: Ой, балалар, сендердің өнерлерін маған ұнады, көп рахмет сендерге. Жүр Қызыл телпек әжеңді бірге барып құттықтайық. Сау болыңдар балалар!

Тәрбиеші:

Болсын дейді балалар  
Бақытты өмір, береке  
Әжелер мен анадар  
Құтты болсын мереке

Ән: «Көктем »

1-бала: Ана– жұмақ, мен – шуақ, саябағы,  
Ана – шырақ, мен – мен сұрақ санадағы.  
Ана – теңіз, мен – қайық тербетілген,  
Ана – бұлақ, мен – құрақ жағадағы.

2-бала: Ана дейміз бәріміз де аңқылдап,  
Ана дейді жас сәбиде жарқылдап,  
Ана деген бәйтерегі өмірдің,  
Ана деген алтын қазық алтын бақ.  
(балалар аналарына сыйлықтарын береді)

Осымен көктемнің алғашқы мерекесі 8 Наурызға байланысты әже,  
аналарымызға арналған ертеңгілігіміз аяқталды. Көріскенше күн жақсы  
болсын!